



Foras na Gaeilge

Miontuairiscí Boird Fhoras na Gaeilge don bhliain 2026

Dáta	Leathanach
30 Eanáir	02
06 Márta	09
24 Aibreán	17

**Miontuairiscí ón 224ú cruinniú Boird a tionóladh Dé hAoine, 30 Eanáir 2025 i
gCeannáras Fhoras na Gaeilge, 63-66 Sráid Amiens, Baile Átha Cliath 1,
D01 H275 agus ar Zúm.**

- I láthair:** R. Uí Chollatáin (Cathaoirleach), K. Ó hEadhra, C. Mac Giolla Mhín, L. Rushe, M. Mac Ailín, D. Mac Cárthaigh, E. Mac Cormaic, N. Ní Chiaráin.
- Ar líne:** I. Ó Dochartaigh, M. Ní Chonghaile (Leaschathaoirleach), G. Ní Chionnaith, R. Nic Fealóin, F. Nic Giolla Chatháin, O. Majekodunmi agus L. Ní Riada.
- Ag freastal:** S. Ó Coinn (Príomhfheidhmeannach), S. Ó hEidhin (Stiúrthóir Seirbhísí Corparáideacha), B. Mac Craith (Stiúrthóir Seirbhísí Forbartha), E. Ní Chorráin (Stiúrthóir Seirbhísí Foilsitheoireachta, Foclóireachta agus Téarmaíochta) agus S. Keating (Rúnaí an Bhoird).
- Leithscéalta:** M. Ní Ghabháin.

1. Fáilte

Chuir an Cathaoirleach fáilte faoi gach duine a bhí i láthair ar an láthair agus ar líne. Cuireadh fáilte faoi leith roimh Mháirtín Mac Ailín ag a chéad chruinniú Boird.

2. Gnó an Chathaoirligh

Rinneadh comhghairdeas le M. Ní Ghabháin as breith a linbh.

3. Miontuairiscí

- 28 Samhain 2025

Faomhadh na miontuairiscí ón 28 Samhain 2025.

- 12 Nollaig

Rinneadh botún amháin cló a leasú agus faomhadh na miontuairiscí ón 12 Nollaig 2025.

4. Nithe ag éirí as na miontuairiscí

Bhí na nithe seo ag éirí as na miontuairiscí:

Go bhfuil na miontuairiscí ar shuíomh Fhoras na Gaeilge suas chun dáta anois.

Go bhfuil litir le teacht ó Choiscéim le deimhnithe maidir le sonraí a bhaineann le hiarratas 2026

5. Baol Coimhlíntí Leasa

Cláraíodh na baol choimhlíntí leasa seo a leanas:

- R. Nic Fealóin le cáipéisíocht ‘Scéim Tionscadal Cholmcille’.

6. Tuairisc na hArdbhainistíochta

Chuir an Príomhfheidhmeannach Tuairisc na hArdbhainistíochta i láthair an chruinnithe. Luadh na rudaí seo a leanas:

- Go raibh cruinniú ann leis an Oifigeach i gComhairle Cathrach Bhéal Feirste atá ag plé le Fleadh Cheoil 2026. Go mbeidh lárionad na Gaeilge sa MAC i mBéal Feirste. Iarradh ar an bhfeidhmeannas plé a dhéanamh le CCÉ maidir leis an mbunleagan Gaeilge d'ainm Bhéal Feirste a bheith in úsáid ar na comharthaí agus sna cáipéisí foilsithe don Fhleadh Cheoil, nós a bhíonn ann anois le Fleadh Cheoil na hÉireann.
- Go bhfuarthas dearbhú ón gCumann Lúthchleas Gael go bhfuil cinneadh déanta ag Comhairle CLG na Mumhan an post atá cómhaoinithe ag Foras na Gaeilge don Oifigeach Gaeilge a dhéanamh buan.
- Pléadh an caiteachas a ceadaíodh ag cruinniú Boird 12 Nollaig 2025 faoi mhír 3 den Scéim Tharmiligin.
 - Ardaíodh roinnt ceisteanna maidir leis an maoiniú le haghaidh Scoil Scairte. Mhínigh an Stiúrthóir Seirbhísí Corparáideacha go mbaineann an caiteachas a rinneadh do Scoil Scairte le hurraíocht a mbeimid ag fáil buntáiste aisti ar bhonn níos faide ná an ócáid féin. Míníodh go mbailítear staitisticí faoi íoslódálacha agus leantóirí agus go gcuirfear tuairisc i láthair an Bhoird ina leith.
- Cuireadh in iúl don Bhord go raibh sé i gceist éirí as bheith ag baint úsáid ghníomhach as an ardán meáin shóisialta X, de bharr na gconspóidí leanúnacha a bhain leis, agus go raibh sé i gceist díriú ar ardáin eile ina áit sin. Bhí an Bord d'aon tuairim gur gníomh inmholta a bhí ann, ach moladh sin a dhéanamh ar bhonn struchtúrtha pleanáilte lena chinntiú nach gcaillfí na leantóirí.
- D'iarr an Cathaoirleach ar an mBord an Ráiteas Deireadh Bliana a nótaíl, agus d'iarr sí ar Chomhaltaí a bhí gníomhach ar na meáin shóisialta tacú le póstálacha Fhoras na Gaeilge ina gcuid póstálacha féin agus Foras na Gaeilge a chlibeáil agus iad ag déanamh postálacha a bhaineann leis an nGaeilge.

7. Cur i láthair ar dhá Ceanneagraíocht

Ag an bpointe seo den chruinniú, tháinig an bheirt bhall foirne, F. Uibh Eachach agus C. Ní Chonghaile isteach sa chruinniú le cur i láthair a dhéanamh ar na Ceanneagraíochtaí Gael Linn agus Conradh na Gaeilge, agus bhí plé ina leith. Ní raibh ceist ar bith ann maidir leis an dá chur i láthair. Gabhadh buíochas leis an mbeirt bhall foirne as a gcur i láthair.

Rinneadh plé ar bhealaí eile le heolas a chur i láthair an Bhoird maidir le gnéithe éagsúla de na conarthaí a bhí aontaithe leis na Ceanneagraíochtaí. Rinneadh plé fada ar na nithe ar mhaith le Comhaltaí éagsúla eolas a fháil orthu, agus ar an gcur chuige is fearr le teacht ar an eolas, ag cur san áireamh am an Bhoird, agus ag cur san áireamh na taithí a bhí ann ón uair dheireanach a tháinig Ceannasaithe na gCeanneagraíochtaí chuig Cruinnithe Boird.

Aontaíodh ar an chur chuige seo a leanas:

- Go gcuirfeadh comhaltaí Boird a gcuid moltaí maidir leis na rudaí ar mhaith leo eolas a fháil orthu ó na Ceanneagraíochtaí chuig Oifig an Phríomhfheidhmeannaigh roimh 6 Feabhra 2026, agus bunaithe air sin, go gcuirfeadh an feidhmeannas moladh chuig an Choiste Forbartha, le teacht faoi bhráid an chéad chruinnithe eile den Bhord ar an 6 Marta.

Ag an bpointe seo den chruinniú, d'fhág R. Nic Fealóin.

8. Tuairiscí ó choistí an Bhoird

(a) An Coiste Osradhairc

Thug Cathaoirleach an Choiste uasdátú ar an méid a pléadh ag an gcrúinniú ar an 20 Eanáir 2026.

- Míniúdh go raibh plé déanta de réir an Nóis Imeachta maidir le litreacha faighte ar iarr a n-údáir iad a bheith curtha faoi bhráid an Bhoird, ag an Choiste ar litir a bhí faighte ó Chearta i rphost ó Ard-Stiúrthóir Chonradh na Gaeilge roimh an Nollaig. Míniúdh go raibh cinneadh déanta ag an gCoiste gan an litir a chur faoi bhráid an Bhoird ar an ábhar gur bhain sí le maoiniú, agus go bhféadfadh sí tionchar a bheith aici ar chinntí a dhéanfaidh Comhaltaí maidir le maoiniú,
 - Tarraingíodh aird ar bhotún san eolas a cuireadh ar fáil don Bhord a bhain le dáta faighte na litreach.
- Míniúdh go ndúnfar cuntas X Fhoras na Gaeilge céim ar chéim le daoine a choinneáil ar an eolas faoin bpróiseas.

(b) An Coiste Forbartha

Thug Cathaoirleach an Choiste uasdátú ar an méid a pléadh ag an gcrúinniú ar an 21 Eanáir 2026.

- Dúradh go rabhthas sásta leis an tuairisc ar chéim 2 den Luacháil ar an gCur Chuige Comhpháirtíochta, agus nótladh an tuairisc.

(c) Coiste na nDeontas

Thug Cathaoirleach an Choiste uasdátú ar an méid a pléadh ag an gcrúinniú ar an 15 Eanáir 2026.

- Gaeloideachas - Nóta Eolais

Nótladh an nóta eolais ar leasú buiséid Ghaeloideachas.

- Cumann na bhFiann - Nóta Eolais

Nótladh an nóta eolais ar leasú buiséad Chumann na bhFiann.

- **Scéim Tionscadal Cholmcille**

Faomhadh na méideanna seo a leanas faoi Scéim Thionscadal Cholmcille:

Uimhir Tagartha	Ainm na heagraíochta	Dáta tosaigh	Dáta deiridh	Méid molta £
CC25004.17	Cumann Forbartha Carn Tóchair	Iúil 2026	Lúnasa 2026	£9,000
CC25004.07	Raidió Fáilte	01/02/2026	30/11/2026	£10,100

- Fiosraíodh an bhféadfaí Gaeilge Mhanann a chur san áireamh sa scéim sa todhchaí.
 - Luadh go raibh cruinniú ann le Bord na Gàidhlig agus go bhféadfaí a iarraidh ar ionadaí dá gcuid teacht chuig an gCoiste.
 - Dúradh go bhfuair an tionscadal ‘Flourish’ le hOllscoil Uladh €2,000,000 ó Chiste an Oileáin Chomhroinnte agus go bhfuil gné mhór den tionscadal bainte leis an nGaol idir Éirinn agus Albain.

9. Ráiteas Caiteachais go 31 Nollaig 2025

Chuir an Stiúrthóir Seirbhísí Corparáideacha an Ráiteas Caiteachais go 31 Nollaig 2025 i láthair an Bhoird agus bhí plé ina leith. Pléadh na rudaí seo a leanas:

- Go raibh an buiséad ag deireadh 2025 cothrom.
- Go bhfuil na fuílligh baine an-íseal (faoi bhun 1%) i gcomparáid le blianta eile.
- Go raibh bliain an-mhaith ag Áis i dtaca le cúrsaí díolacháin de.
- Go bhfuil costais phinsin ardaithe go mór agus fós ag ardú.
- Iarradh cur i láthair ar Áis, le béim ar an díolachán nuair a bheadh deis ann chuige sin.

10. Buiséad 2026 Fhoras na Gaeilge

Chuir an Stiúrthóir Seirbhísí Corparáideacha Buiséad 2026 Fhoras na Gaeilge i láthair an Bhoird bunaithe ar an treoir a aontaíodh ag Cruinniú Boird mhí na Nollag, agus bhí plé ina leith. Pléadh na rudaí seo a leanas:

- Cuireadh in iúl don Bhord, bunaithe ar an méadú de c€2m ón Roinn Forbartha Tuaithe agus Pobail agus Gaeltachta, go raibh €763,000 sa bhreis ar fáil le cur i dtreo scéimeanna, agus tionscadail éagsúla, i ndiaidh do na cúraimí dosheachanta pá, pinsin agus seirbhísí corparáideacha a bheith clúdaithe.

Ag an bpointe seo den chruinniú, d'fhág L. Rushe.

- Tarraingíodh aird ar an maoiniú breise do na nithe seo a leanas a bhí molta ag an bhFeidhmeannas:
 - Líonraí Gaeilge ó thuaidh.
 - Roinnt scéimeanna pobail nua.
 - Maoiniú breise do dheontaithe reatha Scéim Forbartha Líonraí Gaeilge.
 - Creidim Ionat.
 - Roinn tionscadail chomhpháirtíochta le comhlachtaí eile.
- Mheabhraigh an Príomhfheidhmeannach don Bhord go raibh cuid de na moltaí bunaithe ar an taighde a bhí déanta ag an Roinn Oideachais agus Óige a léiríonn go bhfuil deiseanna úsáidte agus deiseanna forbartha gréasáin shóisialta ar na rudaí is mó a bhfuil éileamh orthu agus ar na rudaí a bhfuil an gá is mó leo.

Ag an bpointe seo den chruinniú, d'fhág D. Mac Cárthaigh.

11. Athbhreithniú ar Nós imeachta (2023) le haghaidh comhfhreagras don Bhord

Rinneadh plé fada ar na socrúithe reatha a bhí ann bunaithe ar an nós imeachta (2023) le haghaidh comhfhreagras don Bhord. Léigh an Cathaoirleach an nós imeachta a bhí ar Governance amach le deis a thabhairt do gach Comhalta tuiscint cheart a fháil ar na ceisteanna ábhartha. Chuir roinnt Comhaltaí in iúl nár aontaigh siad leis an nós imeachta ag an am ar aontaigh an Bord é in 2022, ná leis an leasú a rinneadh in 2023.

Aontaíodh go raibh ceisteanna cigilteacha ann ba chóir a chur san áireamh, mar shampla, litreacha a bhféadfadh impleachtaí dlí a bheith leo, litreacha a bheadh ag iarraidh tionchar a bheith acu ar an mBord maidir le maoiniú, agus ceist na cothromaíochta i gcás eagraíochtaí nó iarrthóirí nár thuig go bhféadfaí litir a chur faoi bhráid an Bhoird. Bhí éagsúlacht idir tuairimí Comhaltaí a bhí ag iarraidh gach comhfhreagras a fheiceáil agus Comhaltaí arbh fhearr leo gach comhfhreagras den chineál a fhágáil faoin bhFeidhmeannas.

Ag an bpointe seo den chruinniú, d'fhág F. Nic Giolla Chatháin, I. Ó Dochartaigh agus O. Majekodunmi.

- Moladh teorú ar an gCoiste Iniúchta athbhreithniú a dhéanamh ar an Nós Imeachta.

I ndiaidh plé ar an gceist, iarradh ar an gCathaoirleach vóta a ghairm ar chóir athbhreithniú a dhéanamh ar an bpolasaí a d'aontaigh an Bord cheana féin ar an Nós Imeachta. D'iarr an Cathaoirleach vóta foirmiúil agus glacadh leis an moladh mar thoradh ar an vóta sin.

12. Comhfhreagras

Luaigh an Cathaoirleach litir a bhí faighte ón Rúnaí Stáit Thuaisceart Éireann a chuir in iúl go raibh ordú um thosach feidhme tugtha anois do thuilleadh de na forálacha sa reachtaíocht a bhaineann leis an Acht Féiniúlachta agus Teanga.

13. Aon ghnó eile

Ní raibh aon ghnó eile ann.

14. An chéad chruinniú eile

Meabhraíodh do dhaoine go mbeidh an chéad chruinniú eile ar siúl ar an 06 Márta 2025 i mBéal Feirste.



Regina Uí Chollatáin

Cathaoirleach

29 Aibreán 2026

Tinreamh ag Cruinnithe Boird in 2026

	30/01/26	06/03/26	24/04/26	26/06/26	11/09/25	30/10/26	31/10/25	11/12/26
R. Uí Chollatáin	✓							
I.Ó Dochartaigh	✓							
M. Mac Ailín	✓							
C. Mac Giolla Mhín	✓							
F Nic Giolla Chatháin	✓							
Liadh Ni Riada	✓							
M. Ní Ghabháin	x							
G. Ní Chionnaith	✓							
M. Ní Chonghaile	✓							
K. Ó hEadhra	✓							
R. Nic Fealóin	✓							
E. Mac Cormaic	✓							
L. Rushe	✓							
D. Mac Cárthaigh	✓							
N. Ní Chiaráin	✓							
O. Majekodunmi	✓							

Miontuairiscí ón 225ú cruinniú Boird a tionóladh Dé hAoine, 06 Márta 2026 i Raidió Fáilte, 30 Sráid Dhubhaise, Béal Feirste, BT 12 4AL agus ar Zúm.

I láthair: M. Ní Chonghaile (Leaschathaoirleach), K. Ó hEadhra, C. Mac Giolla Mhín, M. Mac Ailín, E. Mac Cormaic, I. Ó Dochartaigh, G. Ní Chionnaith, R. Nic Fealóin agus O. Majekodunmi.

Ar líne: N. Ní Chiaráin.

Ag freastal: S. Ó Coinn (Príomhfheidhmeannach), S. Ó hEidhin (Stiúrthóir Seirbhísí Corparáideacha), B. Mac Craith (Stiúrthóir Seirbhísí Forbartha), E. Ní Chorráin (Stiúrthóir Seirbhísí Foilsitheoireachta, Foclóireachta agus Téarmaíochta) agus S. Keating (Rúnaí an Bhoird).

Leithscéalta: R. Uí Chollatáin (Cathaoirleach), M. Ní Ghabháin, L. Rushe, F. Nic Giolla Chatháin, D. Mac Cárthaigh agus L. Ní Riada.

De bharr go raibh leithscéal ann ón gCathaoirleach, ghlac an Leaschathaoirleach ról an Chathaoirligh don chruinniú seo.

1. Fáilte

Chuir an Cathaoirleach fáilte roimh gach duine a bhí i láthair ar an láthair agus ar líne.

2. Gnó an Chathaoirligh

Ní raibh aon ghnó ag an gCathaoirleach.

3. Miontuairiscí 30 Eanáir 2026

Rinneadh leasú ar athrá focal a bhí ann agus glacadh leis na miontuairiscí ó chruinniú an 30 Eanáir 2026.

4. Nithe ag éirí as na miontuairiscí

Aontaíodh gur ‘treoraíodh’ don Choiste Iniúchta athbhreithniú a dhéanamh ar an Nós Imeachta maidir le comhfhreagras agus dearbhaíodh go leasófaí an fhoclaíocht sna miontuairiscí leis seo a léiriú.

5. Baol Coimhlintí Leasa

Cláraíodh na baoil choimhlintí seo a leanas:

- R. Nic Fealóin leis na deontais bhreise i 'dTuirisc na hArdbhainistíochta' agus cáipéisí 'Scéim na bhFéilte Glaoch 1' agus 'Líonraí Gaeilge ó Thuaidh – Moladh' faoi mhír Choiste na nDeontas.
- M. Mac Ailín leis na deontais bhreise i 'dTuirisc na hArdbhainistíochta' agus cáipéisí 'Scéim Tionscadal Cholmcille' agus 'Líonraí Gaeilge ó Thuaidh – Moladh' faoi mhír Choiste na nDeontas.
- O. Majekodunmi leis na deontais bhreise i 'dTuirisc na hArdbhainistíochta'.

6. Tuirisc na hArdbhainistíochta

Chuir an Príomhfheidhmeannach Tuirisc na hArdbhainistíochta i láthair an Bhoird agus bhí plé ina leith. Luadh na rudaí seo a leanas:

- Go raibh an Stiúrthóir Seirbhísí Forbartha, an Clárghainisteoir Pobal agus Gnó agus Comhordaitheoirí Pleanála Teanga Fhoras na Gaeilge i láthair ag ceardlann pleanála teanga i gCaisleán an Bharraigh. Míníodh gur seo an chéad uair a bhí na hOifigigh Pleanála Teanga uilig i ggruinní le chéile faoi choimirce Fhoras na Gaeilge, Údarás na Gaeltachta agus Roinn na Gaeltachta, agus go bhfuarthas léargas ar na peirspictíochtaí difriúla atá ag oifigigh éagsúla pleanála teanga.
- Gur ceapadh Conall Ó Máirtín mar Leas-Phríomhfheidhmeannach/Stiúrthóir Seirbhísí Oideachais nua Fhoras na Gaeilge.
- Tugadh aiseolas don Bhord ar sheisiún oiliúna a d'eagraigh an Chomhairle Aireachta Thuaidh Theas in Ard Mhacha le haghaidh comhaltaí Boird - nach raibh an seisiún chomh praiticiúil sin, agus go mbeadh luach le seisiúin oiliúna do Chomhaltaí Boird dírithe ar an ndualgais rialachais agus straitéiseacha. Aontáíodh go n-iarrfaí ar Chomhaltaí aiseolas a thabhairt d'oifig an Phríomhfheidhmeannaigh ar na riachtanais oiliúna ba thábhachtaí a bheadh acu agus go n-eagrófaí seisiúin oiliúna dóibh dá réir sin.
- Ardaíodh ceist i leith cáipéis a bhí uaslódáilte ar Governance maidir le déanmhas boird agallaimh le haghaidh ceapacháin fostaíochta. Cuireadh ceist maidir leis an bpróiseas a bhí ann don Bhord na leasuithe a bhí déanta ar an gcáipéis a cheadú, go háirithe an leasú maidir le déanmhas an bhoird agallaimh do cheapadh an Phríomhfheidhmeannaigh. Treoraíodh don Choiste Iniúchta an cháipéis athbhreithnithe agus na leasuithe a phlé agus teacht chuig an gcéad chruinniú Boird eile le moladh.
- Go bhfuil an chéad dréacht den tuairisc ar an stáidéar féidearthachta don ionad léirmhíniúcháin i mBéal Feirste faighte agus go mbeidh cruinniú ann go luath lena phlé. Míníodh go mbeidh tuairisc ar an gceist ag dul faoi bhráid an Bhoird ag an gcéad chruinniú eile.
- Míníodh go bhfuil maoiniú bliana (go dtí deireadh Nollag 2026) ag an tionscadal 'Scoil Spreagtha' anois ach go bhfuiltear ag iarraidh maoiniú 3 bliana a shocrú.

- Go raibh cruinniú an-dearfach ann le hOllscoil na Banríona maidir lena soláthar Gaeilge.
- Go raibh an Príomhfheidhmeannach i láthair ar chruinniú comhchéime le plé a dhéanamh ar thorthaí an taighde nuashonraithe ar staid na hearnála luathbhlianta lán-Ghaeilge ó thuaidh a rinne Altram a choimisiúnú le maoiniú ó Fhoras na Gaeilge. Dúradh go bhfuil comhairliúchán ar siúl faoi láthair idir comhlachtaí éagsúla rialtais agus cleachtóirí sa réimse le léargas ar na riachtanais atá ann a thabhairt don Roinn Oideachais.

Ag an bpointe seo den chruinniú, d'fhág R. Nic Fealóin, M. Mac Ailín agus O. Majekodunmi an cruinniú de bharr baol coimhlint leasa.

Faomhadh na deontais bhreise seo a leanas do 2026:

Ceanneagraíochtaí 2026		
Uimhir Thagartha	Ainm Deontai	Údaraithe sa bhreis do 2026 (15% ar an méid údaraithe i 2025)
2501014A	Gaeloideachas (Ceann 2026)	€110,784
2501019A	Gael Linn (Ceann 2026)	€101,277
2501018A	Glór na nGael (Ceann 2026)	€168,542
2501017A	Oireachtas na Ga (Ceann 2026)	€97,139
2501020A	Conradh na Ga (Ceann 2026)	€130,119
Scéim Forbartha Líonraí Gaeilge 2026		
Uimhir Thagartha	Ainm Deontai	Údaraithe sa bhreis do 2026
2101065B	Muintir Chrónáin	€7,500.00
2101029B	Líonra Leitir Ceanainn	€7,500.00
2101030B	Gael-fhorbairt na Gaillimhe	€7,500.00
2101028B	An Clár as Gaeilge	€7,500.00
2101064B	Gaeilge Locha Riach	€7,500.00
2101046B	Togra Mhaigh Eo	€7,500.00
2101050B	Glór Cheatharlach	€7,500.00
2101047B	An Cumann Gaelach Muineachán	€7,500.00
2101058B	Cill Dara le Gaeilge	€7,500.00
2101052B	Cumann Gaelach na hEaglaise	€7,500.00
2101023B	Comhlúadar Luimnigh	€7,500.00
2101040B	Gaelphobal Thamhlachta	€7,500.00
2101066B	Ionad Uíbh Eachach	€6,300.00
2101067B	Coiste Forbartha Charn Tóchair	€6,300.00
2101031B	Glór na Móna	€6,300.00
2101073B	Cumann Cultúrtha Mhic Reachtain	€6,300.00
2101048B	Gaelphobal Ard Mhacha Theas	€6,300.00
2101051B	Gael na nGlinntí	€6,300.00

2101041B	Glór na Speiríní	€6,300.00
2101074B	Ionad na Fuiseoige	€6,300.00
2101063B	CNG Bhoirche Íochtair	€6,300.00
2101059B	Pobal Ar A'n Iúl	€6,300.00
2101070B	Cumann Gaelach Leath Chathail	€6,300.00
2101042B	Glór Uachtar Tíre	€6,300.00
2101049B	An Droichead	€6,300.00
2101075B	Croí Éanna	€6,300.00
2101062B	Cairde Uí Néill	€6,300.00
2301001B	Aonach Mhacha	€6,300.00

Ag an bpointe seo den chruinniú, d'fhill R. Nic Fealóin, M. Mac Ailín agus O. Majekodunmi ar an gcruinniú.

7. Tuairiscí ó choistí an Bhoird

(a) An Coiste Osradhaire

Thug Leas-Chathaoirleach an Choiste uasdátú ar an méid a pléadh ag an gcruinniú ar an 24 Feabhra 2026.

(b) Coiste na nDeontas

Thug Cathaoirleach an Choiste uasdátú ar an méid a pléadh ag an gcruinniú ar an 19 Feabhra 2026.

Ag an bpointe seo den chruinniú, d'fhág R. Nic Fealóin, agus M. Mac Ailín an cruinniú de bharr baol coimhlint leasa.

(i) Scéim na bhFéilte Glaoch 1

Faomhadh na méideanna seo a leanas faoi Scéim na bhFéilte Glaoch 1:

Deontais			
Uimhir Thagartha	Eagraíocht	Ainm an Fhéile	Méid
2601002.05	Cumann Cultúrtha Mhic Reachtain	Sean-Nós na Fearsaíde	£3,150
2601002.09	Coiste Forbartha Charn Tóchair	Feis Charn Tóchair	£2,365
2601002.19	Croí Éanna / Féile Chlann Ghormlaithe	Féile Chlann Ghormlaithe	£2,365
2601002.32	Glór na Móna	Féile na Carraige 2026	£2,365
2601002.23	Galway Theatre Festival CLG	Galway Theatre Festival	€2,750

2601002.34	Gaelphobal Ard Mhacha Theas	Blas Ard Mhacha Theas	£2,200
2601002.30	Líonra Leitir Ceanainn	An Focal Beo	€2,571
2601002.31	Cultúrlann Uí Chanáin	Seachtain na Gaeilge	£2,145
2601002.38	Cill Dara le Gaeilge	Féile Teaghlaigh Chill Dara	€1,250
2601002.11	Glór Ceatharlach	Féile Scoil drámaíochta Cheatharlach 2026	€1,017

(ii) Líonraí Gaeilge ó Thuaidh – Moladh

Faomhadh na méideanna seo a leanas do na Líonraí Gaeilge ó Thuaidh:

Uimhir Thagartha	Iarratasóir	Deontas
2601017	Glór na Móna (Iarthar Bhéal Feirste)	£302,720
2601016	Coiste Forbartha Charn Tóchair (Carn Tóchair)	£280,080

Ag an bpointe seo den chruinniú, d'fhill R. Nic Fealóin, agus M. Mac Ailín ar an gcruinniú.

(iii) Scéim na Mór-Imeachtaí Ealaíon

Faomhadh na méideanna seo a leanas faoi Scéim na Mór-Imeachtaí Ealaíon:

Uimhir Thagartha	Iarratasóir	Deontas
2601001.04	Cumann Chultúrtha Mhic Reachtain - Scoil Samhraidh Mhic Reachtain.	£12,000
2601001.11	Rua Media	£8,000

Ag an bpointe seo den chruinniú, d'fhág M. Mac Ailín an cruinniú de bharr baol coimhlint leasa.

(iv) Scéim Tionscadal Cholmcille

Faomhadh na méideanna seo a leanas faoi Scéim Tionscadal Cholmcille:

Uimhir Thagartha	Ainm na hEagraíochta	Dáta Tosaigh	Dáta Deiridh	Méid £
CC25004.14	Gaeil Ruairí Óg agus Gaeil na nGlinntí	20/04/2026	28/06/2026	£4,000 (€4762)

Ag an bpointe seo den chruinniú, d'fhill M. Mac Ailín ar an gcruinniú.

(c) An Coiste Forbartha

Thug Cathaoirleach an Choiste uasdátú ar an méid a pléadh ag an gcruinniú ar an 25 Feabhra 2026.

(i) Dréacht-litir chuig na Ceanneagraíochtaí

I ndiaidh plé fada ar an gceist, aontaíodh roinnt leasuithe ar an litir, agus go raibh an Bord sásta go seolfaí an litir chuig na Ceanneagraíochtaí ag tabhairt cuireadh dóibh teacht i láthair an Bhoird ag cruinnithe Boird mhí Aibreáin agus mhí an Mheithimh.

Aontaíodh go gcuirfí réamheolas maidir le stádas airgeadais na 6 Ceanneagraíocht ar fáil don Choiste Forbartha agus achoimrí ar fheidhmíocht bunaithe ar thuairiscí deiridh na dtréimhsí deontais do Choiste na nDeontas. Aontaíodh go mbeadh an t-eolas sin ar fáil ag Comhaltaí uile an Bhoird ar Governance.

Aontaíodh ar sheisiúin phlé uair a chloig, i bhfoirm ceisteanna agus freagraí. Tá na réimsí a mbeidh eolas le plé orthu lena gcur san áireamh sa litir chuiridh chuig na Ceanneagraíochtaí.

(d) An Coiste Iniúchta

Thug Cathaoirleach an Choiste uasdátú ar an méid a pléadh ag an gcruinniú ar an 23 Feabhra 2026.

Tugadh suntas don Ráiteas ar Rialachán Inmheánach le haghaidh Dréacht-Chuntais 2025.

(e) An Coiste Cholmcille

Thug Cathaoirleach an Choiste uasdátú ar an méid a pléadh ag an gcruinniú ar an 02 Márta 2026.

8. Ráiteas Caiteachais go 31 Eanáir 2026

Chuir an Stiúrthóir Seirbhísí Corparáideacha an Ráiteas Caiteachais go dtí 31 Eanáir 2026 i láthair an Bhoird agus bhí plé ina leith. Pléadh na rudaí seo a leanas:

- Go bhfuil an Caiteachas ar sprioc.
- Go bhfuiltear fós ag obair ar shocrú idir an dá Roinn urraíochta maidir le costais ardaithe pinsin.
- Ardaíodh ceist maidir le híocaíocht do Ghlór na nGael, agus socraíodh go mbeadh na mionsonraí ina leith le cur chuig Comhaltaí i ndiaidh an chruinnithe.

(i) Ceangaltais 2025

Go bhfuil an buiséad an-seasmhach faoi láthair ach go mbeidh sé níos éasca rudaí a athshocrú más gá an bhliain seo chugainn.

(ii) Díscríobh 2025

Go bhfuil luach an díscríofa níos lú ná mar a bhí blianta roimhe seo.

Ardaíodh ceist maidir le maoiniú a rinneadh a dhíscríobh don Pobal 15.

- Faomhadh an Ráiteas Caiteachais go 31 Eanáir 2026, faomhadh an ceangaltais agus an díscríobh.

9. Comhfhreagras

Ní raibh aon chomhfhreagras ann.

10. Aon ghnó eile

Tugadh ardmholadh do An Cumann Gaelach, Muineachán as bunú an ionaid Ghaeilge úr - An Nead ar bhaile Mhuineacháin.

11. An chéad chruinniú eile

Meabhraíodh do dhaoine go mbeidh an chéad chruinniú eile ar siúl ar an 24 Aibreán i mBaile Átha Cliath, agus gur cruinniú níos faide ná a bhíonn de ghnáth a bheadh ann de bharr na bplésheisiún leis na Ceanneagraíochtaí.

Regina Uí Chollatáin

Regina Uí Chollatáin
Cathaoirleach | 03 Iúil 2026

Tinreamh ag Cruinnithe Boird in 2026

	30/01/26	06/03/26	24/04/26	26/06/26	11/09/25	30/10/26	31/10/25	11/12/26
R. Uí Chollatáin	✓	x						
I.Ó Dochartaigh	✓	✓						
M. Mac Ailín	✓	✓						
C. Mac Giolla Mhín	✓	✓						
F Nic Giolla Chatháin	✓	x						
Liadh Ní Riada	✓	x						
M. Ní Ghabháin	x	x						
G. Ní Chionnaith	✓	✓						
M. Ní Chonghaile	✓	✓						
K. Ó hEadhra	✓	✓						
R. Nic Fealóin	✓	✓						
E. Mac Cormaic	✓	✓						
L. Rushe	✓	x						
D. Mac Cárthaigh	✓	<i>Éirithe as an mBord</i>						
N. Ní Chiaráin	✓	✓						
O. Majekodunmi	✓	✓						

**Miontuairiscí ón 226ú cruinniú Boird a tionóladh Dé hAoine, 24 Aibreán 2026 i
gCeannáras Fhoras na Gaeilge, 63-66 Sráid Amiens, Baile Átha Cliath 1,
D01 H275 agus ar Zúm.**

I láthair: R. Uí Chollatáin (Cathaoirleach), K. Ó hEadhra, C. Mac Giolla Mhín, I. Ó Dochartaigh, G. Ní Chionnaith, E. Mac Cormaic, R. Nic Fealóin, M. Mac Ailín, N. Ní Chiaráin agus F. Nic Giolla Chatháin.

Ar líne: M. Ní Chonghaile (Leaschathaoirleach) agus L. Ní Riada.

Ag freastal: S. Ó Coinn (Príomhfheidhmeannach), S. Ó hEidhin (Stiúrthóir Seirbhísí Corparáideacha), B. Mac Craith (Stiúrthóir Seirbhísí Forbartha), E. Ní Chorráin (Stiúrthóir Seirbhísí Foilsitheoireachta, Foclóireachta agus Téarmaíochta agus S. Keating (Rúnaí an Bhoird).

Leithscéalta O. Majekodunmi, L. Rushe agus M. Ní Ghabháin.

Bhí seisiún gan feidhmeannas ann roimh an gcruinniú.

Fáilte

Chuir an Cathaoirleach fáilte roimh gach duine ar an láthair agus ar líne.

Gnó an Chathaoirligh

Luaigh an Cathaoirleach na rudaí seo a leanas:

- Go mbeidh cuireadh á thabhairt do Katy Radford (Stiúrthóir - An Oifig um Fhéiniúlacht agus Léiriú Cultúrtha) chuig an gcruinniú Boird i mBaile Átha Cliath ar an 11 Meán Fómhair 2026.
- Go bhfuil D. Mac Cárthaigh i ndiaidh éirí as a ról ar Bhord Fhoras na Gaeilge. Tugadh aitheantas don obair a bhí déanta aige agus é ina Chomhalta Boird, as na réimsí saineolais a bhí aige a chuidigh go mór le hobair na heagraíochta, agus guíodh gach dea-mhéin air.
- Go mbeidh ceistneoir maidir le hoiliúint á chur chuig an mBord le tuiscint a fháil ar an oiliúint atá an Bord a iarraidh.
- Rinne an Cathaoirleach tagairt do thuras a bheadh sí a dhéanamh thar ceann Fhoras na Gaeilge le labhairt ag comhdháil mionteangacha san Ísiltír.
- Go mbeidh Comhdháil ag ceiliúradh 100 bliain de ‘An Gúm’ ar siúl ar an 7 Bealtaine 2026.

Miontuairiscí 06 Márta 2026

Rinneadh dhá leasú beag ar fhoclaíocht agus glacadh leis na miontuairiscí ón 06 Márta 2026.

Nithe ag éirí as na miontuairiscí

Bhí na nithe seo a leanas ag éirí as na miontuairiscí:

- Míníodh nach bhfuil cinneadh déanta go fóill maidir leis an tionscadal Scoil Spreagtha. Dúradh go bhfuil socrú i bhfeidhm faoi láthair go ndéanfaidh an Roinn Oideachais ó thuaidh é a mhaoiniú le hairgead ó chiste an Oileáin Chomhroinnte.
- Go mbeidh tuairisc ar an lárionad léirmhíniúcháin i mBéal Feirste ag dul faoi bhráid Choiste Forbartha le bheith faoi bhráid an Bhoird ag an gcéad chruinniú Boird eile.
- Rinne an SSC soiléiriú maidir le ceist faoi mhaoiniú Ghlór na nGael sa ráiteas caiteachais a ardaíodh ag Cruinniú Boird 06 Márta.

Ag an bpointe seo den chruinniú, tháinig N. Ní Chiaráin isteach.

Baol coimhlintí leasa

Cláraíodh na baol coimhlintí leasa seo a leanas:

- R. Nic Fealóin le cáipéisí ‘Scéim na gCampaí Samhraidh’ faoin mír ‘Coiste na nDeontas’.
- G. Ní Chionnaith leis na ‘Gradaim Foilsitheoireachta’ faoin mír ‘Coiste na nDeontas’.
- An Feidhmeannas le plé ar dhéanamhas Bord Agallaimh faoin mír ‘An Coiste Iniúchta’.

Tuairisc na hArdbhainistíochta

Chuir an Príomhfheidhmeannach Tuairisc na hArdbhainistíochta i láthair an Bhoird agus bhí plé ina leith. Pléadh na rudaí seo a leanas:

- Go bhfuil an chuma ar an scéal go mbeidh an chéad chruinniú eile den CATT ag tarlú i mí Meithimh 2026 anois.
- Go raibh cruinniú ann le Roinn na Gaeltachta a léirigh go bhfuil sé i gceist acu poist chonartha na gcomhordaitheoirí pleanáil teanga i bhForas na Gaeilge a dhéanamh buan ag brath ar fhaomhadh ón gCATT. Míníodh go mbeadh an buiséad do na poist seo le bogadh isteach i gcroíbhuiséad Fhoras na Gaeilge de bharr an chinnidh seo.
- Go raibh cruinniú ann leis an gCeannasaí Teanga agus Cultúir sa Roinn Pobal a chuir in iúl go bhfuil sé ag iarraidh roinnt scéimeanna atá an Roinn Pobal a mhaoiniú agus a reáchtáil a chur faoi chúram Fhoras na Gaeilge go luath. Míníodh go bhfuil aistriú mhaoiniú Scéim Cholmcille go buiséad bonnlíne Fhoras na Gaeilge beagnach socraithe, ach nach mbeidh na scéimeanna eile á mbogadh go dtí go mbeidh cur chuige soiléir aontaithe agus anailís déanta.
- Fiosraíodh an bhfuil aon chinntí eile ag brath ar an chruinniú den CATT. Mhínigh an Príomhfheidhmeannach go raibh folúntas amháin ar an mBord le líonadh agus go mbeidh 2 fholúntas eile ag teacht níos déanaí sa bhliain. Luadh go mbeifear ag iarraidh poist chonartha na gComhordaitheoirí Pleanála Teanga agus foclóireachta a

bheith ceadaithe mar chroí-phoist bhuana. Dúradh go bhfuil athruithe ar an bPlean Gnó le faomhadh fosta.

- Go raibh cruinniú ann le Comhaltas Ceoltóirí Éireann a léirigh go bhfuil an-obair ar siúl acu i dtaca leis an nGaeilge de.
- Tugadh suntas don litir dhearbhaithe ó Choiscéim maidir le rialachais an chomhlachta, agus gabhadh buíochas leis an Stiúrthóir Seirbhísí Foilsitheoireachta, Foclóireachta agus Téarmaíochta faoina tacaíocht do Choiscéim leis na hathruithe rialachais a shocrú.

Tuairiscí ó Choistí an Bhoird

(a) An Coiste Osradhairc

- Thug Cathaoirleach an Choiste uasdátú ar an méid a pléadh ag an gcrúinniú ar an 14 Aibreán 2026.
- Rinne sí tagairt don suirbhé foirne ar shástacht na foirne agus do na torthaí dearfacha a bhí i ndiaidh teacht as an suirbhé.
- Luadh go raibh tástáil dhearfach ann don chóras comhtháite iarratas.
- Go bhfuiltear ag iarraidh na torthaí ón Luacháil ar an gCur Chuige Comhpháirtíochta a mheas leis na moltaí cuí a dhéanamh – go bhfuil torthaí Chéim 1 & 2 feicthe ag an mBord agus go mbeadh na codanna deireanacha ag teacht chuig an mBord i mí an Mheithimh.
- Dearbhaíodh go mbíonn cruinnithe ann leis na ceardchumann ar a laghad 2/3 uair sa bhliain.
- Tugadh moladh don fheidhmeannas as caighdeán na gcáipéisí a bhaineann le feidhmíocht na foirne Ard-Bhainistíochta, a chuirtear faoi bhráid an Choiste.

(b) An Coiste Forbartha

- De bharr nach raibh Cathaoirleach ná Leaschathaoirleach an Choiste i láthair an chruinnithe, thug duine eile de na baill uasdátú ar an méid a pléadh ag an gcrúinniú ar an 15 Aibreán 2026.

(i) Leasú ar Fheidhmeanna Chumann na bhFiann – Moladh

- Pléadh na leasuithe ar Fheidhmeanna Chumann na bhFiann mar Cheanneagraíocht. Luadh na rudaí seo a leanas:
 - Iarradh go ndéanfaí taifead sna miontuairiscí go mbeadh moladh i dtaca le socruithe ó thuaidh de ag teacht faoi bhráid an Bhoird i mí an Mheithimh. Luadh go bhfuil airgead ar leataobh i mbuiséad Fhoras na Gaeilge le plé leis an gceist sin.
 - Iarradh go gcinnteofaí go bhfuil na heagraíochtaí atá luaite sna pleananna ar an eolas go mbeidh a gcomhpháirtíocht de dhíth leis na pleananna a chur i gcrích.
 - Faomhadh na leasuithe ar Fheidhmeanna Chumann na bhFiann.

(ii) Scéim na gCompántas Drámaíochta Proifisiúnta 2026 – Nóta eolais

Tugadh suntas don nóta eolais ar an gcoigeartú atá déanta ar na treoirínte do Scéim na gCompántas Drámaíochta i ndiaidh do na cúraimí i dtaca leis an drámaíocht amaitéarach de a bheith leagtha ar Oireachtas na Gaeilge.

(iii) Dáta faoi leith do Cheanneagraíochtaí

Aontaíodh go seolfáí cuireadh chuig trí Cheanneagraíocht teacht chuig cruinniú faoi leith den Bhord ar an 10 Meitheamh le haghaidh seisiún plé.

(c) Coiste na nDeontas

Thug Cathaoirleach an Choiste uasdátú ar an méid a pléadh ag an gcruinniú ar an 9 Aibreán 2026.

Ag an bpointe seo den chruinniú, d'fhág G. Ní Chionnaith de bharr baol coimhlint leasa.

(i) Na Gradaim Foilsitheoireachta 2026

Faomhadh na méideanna seo a leanas faoi 'Na Gradaim Foilsitheoireachta 2026':

- Deontas imfhálaithe de €32,000 d'Oireachtas na Gaeilge chun na Gradaim Foilsitheoireachta a eagrú thar ceann Fhoras na Gaeilge don bhliain 2026.
- Buiséad de €18,000 don áisíneacht margaíochta atá ceaptha ag Foras na Gaeilge, Lorg Media, leis na gradaim a phoiblíú go forleathan.

Ag an bpointe seo den chruinniú, d'fhill G. Ní Chionnaith agus d'fhág R. Nic Fealóin de bharr baol coimhlint leasa.

(ii) Scéim na gCampaí Samhraidh

Míníodh nach raibh córam ag an gcruinniú de Choiste na nDeontas don mhír seo nuair a d'fhág O. Majekodunmi de bharr baol coimhlint leasa agus go ndearnadh an moladh a fhaomhadh trí ríomhphost chuig baill an choiste i ndiaidh an chruinnithe.

- Iarradh ar an bhFeidhmeannas na háiteanna a bhfuil na campaí lonnaithe a lua ar cháipéisí as seo amach.
- Rinneadh tagairt do mhéid na ndeontas ó thuaidh agus ó dheas agus fiosraíodh an bhféadfaí an cur chuige a athbhreithniú le hamharc ar mhúnlaí eile bunaithe ar fhíorchostais seachas an ráta malairte.
- Faomhadh na méideanna seo a leanas faoi Scéim na gCampaí Samhraidh:

Uimhir Thagartha	Eagraíocht	€ Molta	£STG Molta
2601019.02	An Cumann Gaelach Muineacháin	€2,500.00	
2601019.03	An Droichead		£2,000.00
2601019.04	An Gaeláras		£2,000.00
2601019.05	Aonach Mhacha		£2,000.00
2601019.14	Cumann Cultúrtha Mhic Reachtain		£2,000.00
2601019.15	Cill Dara le Gaeilge	€2,500.00	
2601019.29	Coiste Forbartha Charn Tóchair		£2,000.00
2601019.31	Cultúrlann McAdam Ó Fiaich		£2,000.00
2601019.33	Cumann Gaelach Leath Chathail		£2,000.00
2601019.41	Gaeilge Locha Riach		
2601019.52	Glór Dhún Geimhin		£2,000.00
2601019.55	Glór na Móna		£2,000.00
2601019.56	Glór na Spéiríní		£2,000.00
2601019.57	Glór Uachtar Tíre		£2,000.00
2601019.60	Ionad Uíbh Eachach		£2,000.00
2601019.64	Líonra Leitir Ceanainn	€2,500.00	
2601019.76	Pobal ar a'n Iúl		£2,000.00
2601019.85	Togra Mhaigh Eo	€1,585.00	

- Tugadh réamhchead maoiniú a thabhairt d'iarratas Chairde Uí Néill sa chás go dtagann maoiniú breise don scéim tríd an athdháileadh.

2601019.08	Cairde Uí Néill		£2,000.00
------------	-----------------	--	-----------

Ag an bpointe seo den chruinniú, d'fhill R. Nic Fealóin.

(d) Coiste Iniúchta

Ar an ábhar nach raibh Cathaoirleach an Choiste ann, thug duine de na baill uasdátú ar an méid a pléadh ag an gcrúinniú ar an 30 Márta 2026.

(i) Clár Rioscaí Márta 2026.

Faomhadh Clár Rioscaí Márta 2026.

(ii) An cur chuige maidir le comhfhreagras a n-iarrann a údar a bheith curtha faoi bhráid an Bhoird.

Faomhadh an cur chuige nua maidir le comhfhreagras a n-iarrann a údar a bheith curtha faoi bhráid an Bhoird.

Ag an bpointe seo den chruinniú, d'fhág an Feidhmeannas de bharr baol coimhlint leasa.

(iii) Déanmhas Bhord Agallaimh

Níor faomhadh Déanmhas Bord Agallaimh agus beidh moladh eile ag dul faoi bhráid an Choiste Iniúchta agus ansin faoi bhráid an chéad chruinnithe eile den Bhord.

Ag an bpointe seo den chruinniú, d'fhill an Feidhmeannas.

Ráiteas Caiteachais go 31 Márta 2026

Chuir an Stiúrthóir Seirbhísí Corparáideacha an Ráiteas Caiteachais go 31 Márta 2026 i láthair an Bhoird agus bhí plé ina leith. Luadh na rudaí seo a leanas:

- Go bhfuil caiteachas ar sprioc.
- Go bhfuil deimhniú faighte ón Roinn ó dheas go mbeidh tacaíochtaí breise tuarastail ann.
- Go bhfuiltear ag tabhairt faoi ullmhú d'aighneacht Fhoras na Gaeilge do mheastacháin cháinainéise 2027.
- Faomhadh an ráiteas caiteachais go 31 Márta 2026.

Ráiteas ar Rialúchán Airgeadais

Faomhadh an ráiteas ar rialúchán airgeadais.

Comhfhreagras

Ní raibh aon chomhfhreagras ann.

Aon ghnó eile

- Luadh go mbeidh seisiún oiliúna d'éilimh ar chostais do chomhaltaí Boird á eagrú ag foireann acmhainní daonna Fhoras na Gaeilge.
- D'fhaomh an Bord conradh le bunchostas os cionn €6,000 (ach níos lú ná €9,000) leis an gcomhlacht Exchequer ar an gcoinníoll go mbeidh nóta eolais ann ag an gcéad chruinniú Boird eile.

An chéad Chruinniú Boird eile

Meabhraíodh do dhaoine go mbeidh an chéad chruinniú eile ar siúl ar an 26 Meitheamh i mBéal Feirste.

Regina Uí Chollatáin

Regina Uí Chollatáin
Cathaoirleach
03 Iúil 2026

Tinreamh ag Cruinnithe Boird in 2026

	30/01/26	06/03/26	24/04/26	26/06/26	11/09/25	30/10/26	31/10/25	11/12/26
R. Uí Chollatáin	✓	x	✓					
I.Ó Dochartaigh	✓	✓	✓					
M. Mac Ailín	✓	✓	✓					
C. Mac Giolla Mhín	✓	✓	✓					
F Nic Giolla Chatháin	✓	x	✓					
Liadh Ní Riada	✓	x	✓					
M. Ní Ghabháin	x	x	x					
G. Ní Chionnaith	✓	✓	✓					
M. Ní Chonghaile	✓	✓	✓					
K. Ó hEadhra	✓	✓	✓					
R. Nic Fealóin	✓	✓	✓					
E. Mac Cormaic	✓	✓	✓					
L. Rushe	✓	x	x					
N. Ní Chiaráin	✓	✓	✓					
O. Majekodunmi	✓	✓	x					
D. Mac Cárthaigh	✓	Éirithe as an mBord						